

抱朴子外篇卷之一

真一

壽道

抱朴子曰有懷冰先生者薄周流之樓遠悲吐握之良苦讓膏環於陸海爰躬耕乎斥鹵秘六奇以括囊含琳琅而不吐謚清音則莫之或聞掩輝藻則世不得觀皆朝華於朱門保恬寂乎蓬戶絕軌躅於金張之間養浩然於幽人之伴謂榮顯為不幸以玉帛為草土抗靈規於雲表獨違今而遠古庇峻岫之巍峩籍翠蘭之芳茵漱流霞之澄液茹八石之精英思眇眇焉若居乎虹霓之端意飄飄焉若在乎倒景之鄰萬物不能攬其和四海不足仰其神於是赴勢公子聞之慨然而歎曰空谷有頂領之駿者孫陽之耻也太乎遺冠世之才者賞真之賁也安可令俊民全其獨善之分而使聖朝之乎元凱之用哉乃造而說曰徒聞振翅鍊身不能凌厲九霄騰踰玄極攸叙彝倫者非英偉也今先生操立斷之鋒掩炳蔚之文玩圖籍於絕跡之藪括藻麗乎鳥獸之群陳龍章於晦夜沈琳琅於重

淵整伏於盛夏藏華於當春雖復下惟尊思殫毫駟濤濤費太極闡釋元本言歡則木梗怡顏如巧笑語戚則偶象頽頽而滂池抑輕則鴻羽沈於弱水抗重則玉石漂於飛波離同則肝膽為胡越合異則萬殊而一和切論則秋霜春肅溫辭則冰條吐葩摧高則峻極頽淪疎卑則淵池差我戒清則倚暗夜光救濁則立澄黃河然不能沾芳惠於庶物著汎敷於皇家名與朝露皆晷體與蜉蝣並化忽崇高於聖人之寶忘川逝於太室之嗟竊為先生不取焉蓋聞大者天地其次君臣先聖憂時思行其道三月無君皇皇如也耻今聖主不與堯舜一致愍此黎民不可比屋而封故或負鼎而龍躍或扣角以鳳歌不須蒲輪而後動不待文王而後興潛初飛五與時消息進有攸往之利退無濡尾之累明哲以保身宣化以濟俗使夫承蘭風以傾柯濯清波以遺穢者若沈景之應朗鑿方圓之赴規矩故勳格上下惠沾八表夫有唐所以魏魏重華所以恭己西伯所以三分姬發所以革命

桓文所以一匡漢高所以應天未有不致群賢為六嗣託豪傑為舟楫者也若令各守洗耳之高人執耦耕之分則稽古之化不建英明之盛不彰明良之歌不作括天之網不張矣故藏器者珍於變通隨時英逸者貴於吐奇撥亂若乃耀靈賸其於雲表則麗天之明不著哮虎韜牙而握爪則搏噬之捷不揚太阿潛鋒而不擊則立斷之勁不顯驥駉踈趾而不馳則追風之迅不形並默則子貢與暗者同口咸聵則離朱與聵瞽不殊矣先生察身而忽大倫之亂得意而忘安上之義存有闕機之累沒無金石之聲庸人且猶憤色何有大雅而無心哉夫繩舒則木直正進則邪凋有虞舉則四凶戮宣尼任則少卯梟猶震雷駭則簾鼓煙朝日出則螢燭幽也不拯招魂之病則無以効越人之絕伎不辨多難之世則無以知非常之遠量高拱以觀溺非勿踐之仁也懷道以迷國非作者之務也若俟中唐殖占日之草朝陽繁鳴鳳之音和時獨角之獸野攢連理之林長旌卷而不懸干戈

戰而莫尋少伯方將告退於成功孰能相擢  
手陸沈哉深願先生不速速復哉於是懷冰  
先生蕭然遐眺遊氣天衢情神遠緬旁若無  
物俯而答曰嗚呼有是言乎蓋至人無為樓  
神沖漠不役志於祿利故害而不能加也不  
踏崎於險途故傾墜不能為患也蒼蒼不供  
而意佚於方丈齊編庸民而心歡於有土寢  
宜僚之舍閉干木之間攜莊萊之友治陋巷  
之居確岳峙而不拔豈有懷於卷舒乎以悠  
廣則濁和故委世務而不紆焉以位極者憂  
深故背勢利而無餘疑其貴不以爵也富不  
以財也侶雲鵬以高逝故不縈翻於腐鼠以  
蕃武為厚誠故不改樂於簞瓢且夫玄黃遐  
邈而人生倏忽以過隙之促託罔極之間迅  
乎猶奔星之覽見飄乎似飛矢之電經聊且  
優游以自得安能苦形於外物哉夫為不絀  
網麟不墮窳相彼鳥獸猶知為患風塵之徒  
曾是未吝也若夫要離滅家以効功紀信赴  
燔以誑楚陳賈刎頸以證弟仲由投命而道  
醜羸門伏劍以表心聃政感惠而屠菹荆卿

絕願以報燕樊公含悲而投首皆下愚之狂  
感豈上智之攸取哉蓋厚祿者責重爵尊者  
神勞故塗園垂綸而不顧卿相之貴柏成操  
耜而不屑諸侯之高羊說安乎屠肆揚朱吝  
其一毛僥求之徒昧乎可欲集不擇木仕不  
料世貪進不慮負乘之禍受任不計不堪之  
敗論榮貴則引伊周以救溺言允悔則譴覆  
餽而不記伺河龍之睡而撥明珠居量表之  
寵而冀無患耽漏刻之安敵必至之危無朝  
菌之榮望大椿之壽似蹈薄冰以待夏日登  
朽枝而須勁風淵魚之引芳餌澤雉之咽毒  
粒咀漏脯以充飢酣鴆酒以止渴也昔箕子  
觀象著而流泣尼父聞僂葬而永歎蓋尋微  
以知著原始以見終然而闢夫蹈機不覺何  
前識之至難而利欲之疢篤邪周成賢而信  
流言公旦聖而走南楚託鷓鴣以告悲賴金  
膝以僅免况能寤之主不世而一有不悅之  
謗無時而斃之德不以激烈風而起斃木事  
不以載珪璧而稱多才嗟泣靡及宜其然也  
夫漸漬之久則膠漆解堅浸潤之至則骨肉

爭析塵羽之積則沈舟折軸三至之言則市  
虎以成故江充疏賤非親於元儲後母假繼  
非密於伯奇而掘梗之誣滅父子之恩神蜂  
之誑破天性之愛又况其他安可自必嗟乎  
任負所以懷忠而漂尸悲夫白起所以秉義  
而刎頸也蓋徹鑿所為寒心匠人之所眩惑  
矣又欲推短才以釐雷同仗獨是以彈衆非  
然不覩金雖克木而錐鑽不可以伐鄧林水  
雖勝火而升合不足以救焚山寸膠不能治  
黃河之濁尺水不能却蕭丘之熱是以身名  
並全者甚稀而先笑後號者多有也畏兀悔  
而貪榮之慾不滅忌毀辱而爭肆之情不遣  
亦猶惡濕而沐深淵憎影而不就陰穿舟而  
急漏猛爨而止沸者也夫七尺之骸稟之以  
所生不可受全而歸殘也方寸之心制之在  
我不可放之於流通也躬耕以食之穿井以  
飲之恒褐以蔽之蓬廬以覆之彈詠以娛之  
呼吸以延之逍遙竹素寄情玄臺守常待終  
斯亦足矣且夫道存則尊德盛則貴隋珠彈  
雀智者不為何必須權而顯侯祿而飽哉且

夫安貧者以無財為富甘卑者以不任為榮故勿安得侮而澄神胡子甘心於退耕達比有令德之罪信布陷功大之刑一枝足以戢鸞羽何煩乎豐林廣跨足以從龍麟豈事乎滄海藜藿嘉於八珍寒泉旨於醴醪攝縷美於赤烏緇袍麗於袞服把檀安於杖鉞鳴條樂乎絲竹茅茨艷於丹楹采椽珍於刻楠登嵩峯為臺榭庇巖壑為華屋積篇章為教廣寶玄談為金玉棄細人之近戀捐庸諫之所欲遊九臯以合歡遺智惠以絕俗同屈尺蠖戴光守樸表拙示訥知止常足然後咀嚙芝芳風飛雲停睇景九陽附翼高遊仰樓梧桐俯集玄洲孰與銜轡而伏櫪同被繡於犧牛哉赴勢公子曰夫入而不出者謂之耽寵忘退往而不反者謂之不仕無義故達者以身非我有任乎所值隱顯語無所必固時止則止時行則行東帛之集庭燎之舉則君子道長在天利見若運涉陽九譏勝之時則不出戶庭括囊勿用龍起鳳戢隨時之宜古人所以或避危亂方不肯入或色斯而不終日

者慮巫山之失火恐芝艾之并焚耳方今聖皇御運世夷道泰仁及蒼生惠風遐邁威肅鬼方澤沾九裔儀坤德以厚載擬乾穹以高蓋神化則雲行雨施玄澤則煙煴汪濊四門穆穆以博延主恩英逸以俾乂此乃千載所希值剖判之一會而先生慕嘉遁之偏枯不覺狷華之患害也務乎草豹之養內未觀暴虎之犯外也是聞涉水之或溺則謂乘舟者皆敗以商臣之凶逆則謂繼體無類也懷冰先生曰聖化之盛誠如高論出處之事人各有懷故堯舜在上而箕顛有巢棲之客夏后御世而窮藪有握耒之賢豈有慮於此除哉蓋各附於所安也是以高尚其志不仕王侯存夫父象匹夫所執延州守節聖人許馬僕所以逍遙於丘園歛迹乎草澤者誠以才非政事器乏治民而多十雲起髦彥鱗萃文武盈朝庶事既康故不欲復舉燭耀以廁日月之間拊甌瓠於洪鍾之側貢輕扇於堅冰之節銜表鐘乎隆暑之月必見捐於無用速非時之巨噬若擁經著述可以全具成名有補

未化若強所不堪則將顛沛惟咎同悔小狐故居其所長以全其所短耳雖無立朝之勳即戎之勞然切磋後生弘道養正殊塗一致非損之民也劣者全其一介何及於許由聖世恕而容之同曠於有唐不亦可乎赴勢公子勃然自失肅爾改容曰先生立言助教文討姦違標退靜以抑躁競之俗興儒教以救微言之絕非有出者誰叙彝倫非有隱者誰誨童蒙普天率土莫匪臣民亦何必垂纓執笏者為是而樂飢衡門者可非乎失群迷乎雲夢者必須指南以知道並乎滄海者必仰辰極以得返今聞嘉訓乃覺其蔽請負衣冠策駕希驥汎愛與進不嫌擇焉

抱朴子外篇卷之